

وامرهم شوری بینهم

«اعلاى دين»

مقاله سياسيه

«تخليص وطن»

نومرو ۵ ۸ شعبان المعظم ۱۳۱۴

شورای امت

۱۱ كانون ثانی افرنکی ۱۸۹۷ سنه ۱

آبونه بدلی : هریر ایچون سنه لکی برانکلایز لیر اسیدر . بازار ایرتسی کونلری بشر اولنور

آدره سمر :

داخلده بولنان ارباب غیرت و حمیه نشر و تعمیمی تعهدایتدیکی
حالد مجاناده کوندریلور .

نه ممکن ظلم ایله بیداد ایله احمای حریت
چایش ادراکی قالدیر مقتدر سهك آدمیتدن
کال

قانون اساسی — صندوق البوسته نمرة « ۳۳۰ »
BOITE SPÉCIALE
N. 330
CAIRE, (Egypte).
مصر القاہرہ

وسائط مخصوصه ایله ایستیتلر ایجاب ایدہ جک فضلہ

نسخه سی ۴ غروشددر

محرری : شیخ علی زاده خواجه محی الدین

اجرتی کوندرملیدر

افکار عمومیہ ملیہی تنویر ایله وطن مقدسمرک تخلیصی شریعت و حمیت نامنه طلب ایدن جریده مرکز تعمیمی هر مسلم و عثمانلی ایچون زفر یضہ در

قانون و عدالت ایستیه نر.

بوملکه سعادت ایستیه نر.

تاریخ ایله نسبت ایستیه نر.

آخر بوکادر قرار افسوس

محمد ذوالفقار

جمله اجرا آت دیانتیروریدن اولوق اوزره بوهفته
ظرفنده مقر خلافتدن ایکی بیک دانه طلبة علوم واپور
لرله نفی و تغریب ایدلش و آلان ده ایدلمکده بولمشد!
سببی دهر مضانک قریب حسیله حکومت علیینه بر
نمایش اجراسندن قور قولدیغی ایش . که سیئات
جنایتکارانه نك نتیجه سنی تعینده کی اینجه حسابلردن
حقیقه حق معنای ارباب فکرک ملاحظه لرینه راقیرز.

نه دیلی :

آوروپا جرائدینک همان هیسنه بوهفته طرف
شاهانه دن صرف اولتان برجله سرمایه مقال اولش
و برچوق قسیرانه اوغرا مشدر .

شمعی به قدر برنمره ویرمیان ، مذاکرات سیاسی
حالا نتیجه لندیرمیان دول سته سفرا سنک ایکیده
برده باب عالی (؟) بی چیکنه به رک ماینه معروضات
شیده ده بولندقلری و دانما ارادات مصالح پروری
ایله تسکین لرینه جالیشدیغی معلومدر . فقط نهایت
بو (مطالباتی معنایه) بیلدیز جهده تحمل ایدیه
میه رک صبر توکنمش و «صوکنجی خلیفه اولورم»
فقط ایکنجی خدیو اوله مم «جواب جلاذتمالی
شرفصدور ایش!

دوشونلسون ! اعرابی باشا وقوعاتی ، درویش
باشا انتریقه لری ایله برباد ایدیلان امور اینجده مقام
خدویت جللیه به بودوشوئجه سز عرضی . یارایجون
هایدی بآس یوقهر دینه لم اغیار فصل تلقی ایدر ؟

حال حاضر بکنلمیورسه متبعات صفتیه بکتنیه
جک برحاله کتیرلمسی الک مقدس وظائف جمله سند
ندرکه اوحالده بوتعرضک اعلان عجز دن باشقه نه
معنای اولور ؟ هله بومعنا سزلق اوزرینه برده او
بکنلمیان حالک انجباب ایلدیکی کافه مسئولیتک منقد
هایونه عائد اولدیغی ضم اولتورسه مقامک بویوککیسه
متناسب سلامت فکر و نجات حسیاتک نه درکه ده
اولدیغی استدلال اولتور.

ردیف طابورلری

مردین و پرزرین جوارنده تحشید ایدن ردیف
طابورلری معاشرلری آلدیجه بریره کیمیه جکارینی
حکومت بحلیه به بیان ایلملری اوزرینه هریره سرعته
سرایت ایتمکده اولان عسکرک عدم اطاعتی بیلدیز
جیلری پک زیاده دوشوندریمکده اولدیغی اوروپا غزته
لرنده اوقودق .

افراد بحریه

اخیرا عساکر بحریه دن بیکی متجاوز نفرات بحریه
نظارتی اوکنسده متداخل معاشرلک اعطاسی اینجون
کورلیلی برنمایش اجرا ایشلدر . بونک اوزرینه
بر آریاره توزیعسه تسویه مصلحت ایدیه رک کورلی
تسکین اولمش ایسه ده کجه لین برچوقلری توقیف
اوله رفی بحریه لمانلرینه سوق ایدلشلدر .

پاره سزلفک موجب اولدیغی واوله جینی قیاملرک
کیت کیده وسعت و شدت کسب ایتیه سته باقیلورسه
نهایت ویردهجی باطلا غلک قیامنه بیلدیز قلغا تحیارینک
ده موفق اوله میه جینی وبلکه ده بویوزدن بعض آثارخیره
ظهوری مأمولدر

حمیدیه آلایلری

آلی آی مقدم بیلدیز استحقاقاتک محافظه سی
خدمتیه جلب اولتان قره بشاق عشیرتی آلایلری اون
بش کون اول موسمک مساعده سز لکنه و خزینه نك
طام طاقر اولدیغی بوهنکامده اون بیک لیم اقدرمصرف
ایتمک فداکارلغه باقیلمق سزین مملکت لرینه اعاده
ایدلشدر .

سببی ده بونسلرک بعض امرا سنک تنقید کارانه
سوزلریه (؟) افرادک دیکر معیت طابورلریه کچینه
مامسی ایش !

فکر حریت پرور لکله کچنلرده امرا و ضابطان
عسکریه دن یوزاون طقوزکشی توقیف ایدلش
ایسده الیوم وجود لریدن خبر آله مامقده اولدیغی
یونان غزته لریده کور لمشدر .

بالجمله مسلمین و مسیحین حقوقی محافظه ایتک
اوزره استانیولده بولتان دول معظمه سفراسنک مباحثه ده
بولندقلری تلغراف حوادتلر بندنر.

بودجه — موازنه مالیه

کچن هفته اعلان اولنسان بودجه نك شایان اعتماد
اوله مدیغی یازمش ایدک . بوهفته آلدیغیمز اوروپا
مطبوعاتی ده فکرمنزه تمامیه اشتراک ایدیه بور . تباعی
غزته سنک درسعادت مخبری ، اصلاحات عمومیه و تنظیمات
امور مالیه اینجون پک چوق عایشلر اجرا اولتیورسده
سلطان حمیدک یکرمی سته دنبری اتخاذ ایش اولدیغی
مسلك اصلاحاتک واهی اولدیغی کچی درسعادت غزته
لرینک نشر ایتدکلری بندرله ده اهالی بحلیه استخفاف
ایتمکدن خالی قالمور «دیور» .

کنج ترکار

ویانه ده طبع اولتان مشهور پشتر لویید غزته سی
کنج ترکار سرلوحه سیله غایت مهم برسد نشر ایدرک
فرقه نك تاریخ تشککندن و احوال حاضرده کی اهمیتندن
بحث ایلدکدن صوکره ترکیه نك استقبالی ده انجق
بوفرقه نك موقع اقتداره کچمسیه اوله بیله جکینی
یازمشدر .

پارسلده ضیافت

قانون اساسینک یکرمنجی سنه دوریه سی مناسبتیه
«اتحاد و ترقی» جمعیتی نامنه پارس شعبه سی طرفندن
ارکان مطبوعاته و فرانسه رجال سیاسیونه مکمل بر
ضیافت کشیده اولمش و برسنه ظرفنده جمعیتک کسب
ایتدیکی توسع و قوتندن بحث ایدیه رک قانون اساسینک
اعاده سی حقتنده متعدد نطقلر ده ایراد ایدلش اولدیغی
اوروپا غزته لرنده مطالعه کذار مسترئز اولدی .

کرید

۸ کانون ثانی تاریخیه کریدن ویریلان برتلغر افنامه ده
مسلمانلر طرفندن خرسیتیانلر علیینه بعض تربیات
کشف اولدیغی خبر ویریلور .

شمعی به قدر استدعای معدلتن زیاده آرزوی
فسادله ککرید خرسیتیانلرینک ارتکاب ایتدکلری
مناسبتسز لکلری غزای کبری کی کوستر مکدن سیقلمان
غرضکارلرک بویکی معرفته حیرت ایتامک الدن کلغمز
اثر تصنیع اولدیغنه شه اولمیان بو حواده بر اساس
ویرلمک لازم کسه اوده کویا حکومتدن طلب حقوق
ایجون اسلام و طنداشلرینه قصد ایدن «کرید»
پایقاریلارینک بریکی انتریقه سنک مقدمایدر «دنیاه
بیلور» .

دردنجی اردو مشیری دولتو محمد زکی پاشانک
برادرزدادی سیکباشی فؤاد پک اداره حاضرده حقتده
سرستانه اداره افکار ایتدیکندن دولانی بوکره تحت
الحفظ اسکو بدن درسماته کتیرلشدر .